

濟陽縣志第一冊目錄

卷一 輿地志

分野

沿革

疆域

形勝附八景

古蹟

金石

古墓

風俗

濟陽縣志

第一冊目錄

物產

濟陽縣志卷一

輿地志

分野 沿革 疆域 形勝附八 古蹟 金石 古墓

風俗 物產

濟之置邑非古也著自秦陽邱朝陽自漢臨邑自宋魏章邱自隋唐邑之自金非古也雖然星紀天輿隸地乃疆乃理因前軌而邑之依然禹甸之原隰也奚弗古抑聞之古以治不以時以人不以地區之畫之經緯布之黃農其未遠乎言登一代風土之書志輿地

分野

濟陽縣志

卷一 輿地志

分野

一

星野之說昉於周官保章氏以星土辨九州之地凡諸侯所封之域皆有分星以觀妖祥由是星宿之學代有專家延至春秋兩漢精其術者且往往談言而微中得勿天人之際理或相通夫固非茫無所據者耶濟陽星野於書無徵古為齊地姑仍舊志之所載而以濟陽屬齊之分野或不大相刺謬歟

石氏星經 北斗七星七曰搖光主齊

星經 歲星主泰山徐州青州兗州

象緯考 十二國有六星其次舍在牛女之下齊一星在九坎之

東

春秋緯文耀鉤 太行以東至碣石王屋砥柱冀州屬樞星三河
雷澤至海岱以北兗州青州屬機星

史記 燕齊之疆候辰星占虛危

史記 干支占野干甲齊支申齊

漢天文志 北斗七星所謂璇璣玉衡以齊七政夜半建者衡衡
殷中州河濟之間平旦建者魁魁海岱以東北也

後漢志 玉衡第五星主兗州常以五辰日候之甲辰爲東郡陳
留丙辰爲濟北戊辰爲山陽泰山庚辰爲濟陰壬辰爲東平任
城凡八郡

晉書天文志 自須女八度至危十五度爲元枵於辰在子齊之

濟陽縣志

卷一

輿地志

分野

二

分野屬青州

費直起女六度
蔡邕起女二度

唐志 浮屠一行兩戒占野云須女虛危元枵也初須五度餘二
千三百七十四秒四少中虛九度終危十二度其分野自濟北
東踰濟水涉平陰至於山荏循岱岳衆山之陰東南至高密又
東盡萊夷之地得漢北海千乘淄川濟南齊郡及平原渤海九
河故道之南濱於碣石古齊紀淳于萊譚寒及斟尋有過有鬲
蒲姑氏之國其地得陬訾之下流自濟東達於河外故其象著
爲天津絕雲漢之陽凡司人之星與羣臣之錄皆主虛危故岱
宗爲十二諸侯受命之府又下流得婺女當九河末派比於星
紀與吳趙同占

宋天文志 天市垣二十二星其次舍在房心之側東西列各十一星其東垣第七星曰齊

通志 州郡躔次濟南郡入危一度統縣十四曰東平陵曰鄒平曰臺曰梁鄒曰土鼓曰於陵曰陽邱曰般陽曰管曰朝陽曰歷城曰獠曰著曰宜城著卽今濟陽也

通志 州縣分野濟陽著屬濟南郡

遺志 元枵爲齊分野元枵危也濟南入危一度濟陽隸濟南郡最號密邇其爲危無疑

按現代科學昌明舊日天文陋說早經攻破星之云者不過爲恆星行星之分與夫公轉自轉之別已耳既無關乎

濟陽縣志

卷一

輿地志

分野

三

天時更何與夫人事况如博雅所云在天一度統地三千九百三十二里就東省論極東之與西南之與北僅在一二千里內而州郡躔次以濟南郡入危一度千乘郡入危四度平原郡入危十一度何千數百里內而相差若是以濟邑言之隸在濟南里距九十自應入危一度然苟移隸千乘平原不又將移作四度十一度耶且如舊說山東一省已盡周天三百六十五度而東西南朔之爲外國者不知凡幾豈其不統於天而無星之可分乎此其說之難通者也然竟等悠謬之論則古今占驗固有歷歷不爽者又何以說從知天文微渺非管窺所能仰測惟以勤民者敬

天自可調燮造化卽或妖祲見野亦將轉咎爲祥星野之
首列夫固欽若之微旨云爾

沿革

濟陽自金天會置縣以迄今茲已將千年其間所經之戎馬水火天札旱荒雖不知其凡幾而名稱則迄未稍變也故此項沿革一仍舊志

少昊氏 邑為爽鳩氏之墟

虞 青州兗州之域隸季薊氏以標竿鎮等處屬青故著縣等處屬兗

夏 青兗之域隸季薊氏

殷 青兗之域湯隸有逢伯陵末為蒲姑氏

周 武王滅蒲姑氏封師尚父地隸齊國

春秋 為甯戚采地及犁邱邑地晉荀瑤伐齊取轅及犁即犁邱

濟陽縣志 卷一 輿地志 沿革

也

秦 置著潒陰等縣邑為故著縣後入臨邑餘賴地後入章邱俱屬齊郡

漢 著縣及陽邱縣地屬濟南郡

東漢 省陽邱朝陽獠入東朝陽隸濟南郡

魏 為東朝陽地

晉 為東朝陽地隸樂安國

南宋 改東朝陽曰朝陽屬齊郡本隰陰著二縣地僑置臨邑屬

東魏郡

北齊 廢朝陽置高唐縣又省著縣入臨邑縣

隋 改高唐曰章邱邑為章邱臨邑二縣地並屬齊郡

唐 初章邱臨濟亭山臨邑並屬譚州貞觀元年譚州廢章邱臨邑二縣地隸河南道齊州濟南郡

五代 章邱臨邑二縣地屬齊郡

宋 爲章邱標竿鎮及臨邑故著縣地隸齊州政和六年陞齊州爲濟南府隸京東東路

金 天會七年始割章邱之標竿鎮及臨邑之故著縣地置濟陽縣屬濟南府

元 屬濟南路

明 屬濟南府

清 因之

濟陽縣志

卷一

輿地志

沿革

六

民國元年廢府設岱北道轄二十七縣濟陽屬焉四年改濟南道領濟陽如故十四年山東省令分設十道濟陽仍爲濟南道屬十八年省府爲勦匪便利起見將全省劃爲十區各縣警備隊改爲人民自衛團以濟陽屬第六區區部設惠民十九年冬將十區改爲四區人民自衛團改爲民團以濟陽屬魯北民團區總指揮部設臨清

按舊志胡氏云邑自金天會始置未置以前邑故章邱臨邑二縣地也通志於虞夏殷時章邱屬之青州臨邑屬之兗州而以濟陽直屬兗州逸志直屬青州殊爲掛漏夫濟陽界接章邱里許距濟南歷城甚邇章邱歷城皆屬青州

臨邑屬兗州則邑在虞夏殷時爲青充分治明矣自周以後章邱臨邑皆屬齊則邑亦爲齊地據左傳晏子云昔爽鳩氏始居齊其後季荊因之有逢伯陵及蒲姑氏因之而後太公因之則邑爲爽鳩季荊有逢伯陵蒲姑之舊蓋可考也逸志以邑西二十五里爲春秋邾國謂卽魯襄公十三年所取邾也稽漢書任城亢父縣有邾亭在今濟寧南六十里離今濟陽較遠則非邑治明甚通志固已辨之綱目漢元帝永光三年立子康爲濟陽王質實註云濟陽漢初縣名屬濟陰郡後爲濟陽國故城在山東兗州府曹縣西南考濟陰之爲濟陽是晉所改郡名漢初濟陽縣屬陳留郡故址在河南開封府蘭陽縣東故自漢以前之濟陽屬陳留郡自晉所改之濟陽屬濟陰以濟陰爲陳留之濟陽已誤而以金所置之濟陽爲漢唐宋之濟陽則又誤之誤者也其亦以濟陽名者邑在大清河之北本濟瀆也自清河合濟入海通得濟之名濟水繞其南故曰濟陽計自開建至今一切典章文物始有所專屬而其前乃混於他邑然則人物古蹟之沒而不彰者可勝道哉

疆域

濟陽疆域縮於正南而伸於西南西北及東北各方面因南與章邱逼近勢難遠伸北與商河亦較爲密邇故形成天字局勢又原古犬牙相錯之義他縣地往往延入本境而本縣地亦多插入他縣俗名爲插花地沿襲旣久驟欲劃割轉滋糾紛故有清宣統二年劃成自治區時未能實行茲仍就原有大勢標明疆域如左

縣在濟南東北九十里東西廣一百四十里南北袤六十五里
東至齊東縣界八十里至縣治九十里
東南至章邱縣界一里至縣治七十里

濟陽縣志

卷一

輿地志

疆域

八

南至歷城縣界二十五里至縣治九十里
西南至齊河縣界六十里至縣治一百三十里
西至禹城縣界六十五里至縣治一百二十里
西北至臨邑縣界六十里至縣治九十里
北至商河縣界四十里至縣治九十里
東北至惠民縣界六十里至縣治一百四十里
北至北平一千里
南至南京一千五百里

按舊志胡氏云邑幅幘廣袤二百餘里視古侯國爲贏視今大邑爲縮然邑無小民社之重繫焉誠能悉心畫理夫

固有戴星出入而日不暇給者其孰敢自矜驥足而不奮
勉馳驅也哉

濟陽縣志

卷一

輿地志

疆域

九

形勝附八

今之縣猶古之國也古者立國必錫之山川以固封域故
易曰王公設險以守其國濟邑地處平原無各山之可言
然高城古岸枕河對峙登臨憑眺實足令人興曠遠之思
故標明形勝如下

兩川留禹迹邑當濟漯之間百里屬齊疆地駕鄒譚而上見通志

濟水近而紆於前土河遠而控於後四無山崖曠然平地草木陰

森居民繁劇見逸志

高城古岸綠水迴環登高而望前山轟轟蒼翠交浮近在眉睫間

皆可收為一邑之勝見逸志

濟陽縣志 卷一 輿地志形勝

濟水達於沽河古屯雜於林莽沽疑作枯見鹽法志舊志

按舊志枯河之圖在大清河南為濟水之尾閭其形彎曲
有致所謂達於枯河者當即指此惜代遠年湮陵谷變遷
不第此項河流今為平地且並其名亦亡之已耳

繡野平鋪煙村斜繞望遠山而滴翠盼古樹以生煙慶際河清深

淺溥舟航之利欣傳土沃高低驗景物之饒錯二壤於西東雙

丸並列邑外有地二屯一在章邱縣一在臨淄一門於南北三面遙通無雖

乏赫赫之雄風實附泱泱之大國見舊志

距黃河北岸在齊東上游分河為界為河防下游搶險首要之區

其北則徒駭西來東下介於兩河黑壤土泥非用武地也據通志增

八景

八景之說已成陋習故近世修志家多主張刪削之然傳聞已久於以點綴景物表一邑之勝槩供騷人韻士之憑弔追尋亦未遂大乖乎風雅况景無幻設言有足徵固非若海市蜃樓徒作空中結構也因稍加竄易而錄存之任淺人見淺深人見深云爾

柳岸行吟 郭之南數十武為黃河北岸大隄其平如砥兩旁綠樹陰濃寥天若幕每當春秋佳日循隄散步沁人心脾正不知撲去俗塵幾斛也

孤亭聳秀 邑城北巔舊有文昌閣以當北門之筦今則神權消滅爰因舊址改建中山亭於其上使人睪然望之如見中山先生當年倡導革命精神洵紀念大觀也

韶臺遠眺 臺在曲隄鎮東北隅世傳為子在齊聞韶處臺高數十尺祠宇巍然登高遠望雲霞萬狀令人有憑虛御風之想

與奎樓曉日禪塔晚燈均於民國二十一年攝送省政府彙存

古柏蒼煙 孔廟中有古柏數株世傳學博王公省盡節於此每朝煙籠樹上日出方散其殆忠義之氣所凝結耶百代而下猶凜凜有生氣矣

奎樓曉日 奎樓舊在邑城西南隅嗣以方位形勢俱未叶吉爰移置東南隅因城為臺架層樓其上規制較前闕敞每登樓四

望山環水抱嶽峙淵渟當旭景初升光華奪目流連景物視昔
倍勝矣

蘇橋曙色 新市城北詳見古蹟橋畔垂柳千株清曉籠以曙色
縹緲祥光不絕如縷亦自有致

禪塔晚燈 塔在聞韶臺西突兀插天高可數仞上接星辰晚間
如置燈火於其上亦勝景也

靈泉黑霧 城西北之黑水灣其深莫測時時黑霧縈繞俗傳中
有潛龍禱雨輒應

按八景舊作濟水澄波韶臺遠眺古柏蒼煙奎樓曉日蘇
橋曙色祠堂夜月禪塔晚燈靈泉黑霧今則濟水變爲黃

河而澄波不可復覩祠堂久經荒廢而夜月無從尋賞故
以柳岸行吟孤亭聳秀補其數餘景仍舊

古蹟

箕子過殷墟而作歌安石登冶城而遐想昔人因境生情雖趨舍不同悲娛各異其爲遺蹟所感觸一也濟邑雖僻處河陽或徵諸簡冊或得諸傳聞荒煙蔓草中正不少名賢舊蹟蒐而輯之使千百載後猶能知其故地之所在於以摠懷舊之蓄念發思古之幽情斯則區區臚列古蹟之意云爾

著城 縣東北三十里曲堤鎮故城址係秦所置著縣漢屬濟南郡水經漯水經著縣故城南是也地理志註師古曰著音直庶反韋昭誤以爲著龜之著字失之遠矣寰宇記云著城在臨邑

濟陽縣志

卷一

輿地志

古蹟

三

城東南五十里相傳地生神著每年貢四十九莖蓋後人緣韋昭所讀而神其說也

臨邑故城 在縣西南境宋武帝於隰陰縣地僑置臨邑縣隋唐因之隋志臨邑有鵠山有隰陰城唐元和志黃河在臨邑北七十里是臨邑在鵠山之北而古黃河之南縣本析臨邑縣地所置故城在其境內縣西二十五里有故城疑卽臨邑城也逸志訛爲邾城誤矣

新市鎮城 在縣西北五十餘里金志臨邑有新市鎮元至元二年割入濟陽是鎮去今臨邑四十餘里逸志云省縣作鎮未詳何自一云南北朝時曾僑置中山國之新市縣於此故名

馬防城 在縣東北境按漢書建武三十年封興子復爲臨邑侯原註臨邑縣屬東海故城在今濟州東亦名馬防城宋武帝初立東魏郡治馬防城後改治臺縣城馬防本在臨邑東南割入縣境六十里有仁風鎮城相傳卽其地漢曰馬坊宋以後作馬防洪武元年設巡檢司八年裁革

聞韶臺 在縣東北三十里曲隄鎮世傳孔子在齊聞韶處元建大成殿有肅政廉訪使王士熙記明萬歷二十一年武德道副使尹應元重修復建萬世宗師坊其聯云玉振金聲三月獨含千古味鳳儀獸舞兩階猶動四方風邑景中韶臺遠眺卽此

蘇武斷糧橋 縣西六十里新市城北卽邑景蘇橋曙色也舊傳濟陽縣志 卷一 輿地志 古蹟 古
蘇武斷糧於此

按舊志胡氏云邑在西漢爲著縣及陽邱地其時中國一統武以天子使臣微論西塞道不經此卽經此何至斷糧說甚不稽查其左側有段家橋竊意此橋或以段姓所建其人卽姓段名梁後訛傳斷糧耳緣相傳已久故列而辨之

漢棗 在治南三里廟中老幹枯削蟠屈槎枒旁有小株蒼秀挺異相傳炎漢時植雖未可據要亦數百年物云

唐桑 舊傳亦在三里廟中今無存邑前輩鄧光玉有題漢棗唐桑二律蓋國初猶及見也 以上均舊志

灌家口草市 在縣西六十里唐元和二年鄭權奏德州安德縣

渡黃河南鄰齊州臨邑縣有灌家口草市即今夏口鎮據通志增

澆花井 羅家馬頭陳蒼屏先生故園有井一眼相傳爲蒿菴先生所浚於講學餘暇引流澆花以博雅趣者也其時皆零星碎磚所堆砌居諸旣久猶修整如故水亦清潔不絕洵可與浣花溪百花潭並傳不朽云

釣魚臺 在治西北竇家莊東北徒駭河濱舊有土臺高起世傳太公會釣魚其上

文昌閣 在治西三十五里布店王家莊北福祥寺東偏閣高三丈氣象崢嶸規模宏整登其上周圍四面可供眺遠每當春秋

濟陽縣志

卷一

輿地志

古蹟

五

佳日文人學士多聚集於此以爲遊覽之所

周姑寺 在治西三十五里吳家莊前世傳周姑諱玉禪字際成生長宦門潛心修道卒得異人傳授時值瘟疫大作人多病死周姑在村頭樹下捨藥食者皆得不死歿後人感其德爲之建祠云

黎孝子祠 在治西十八里徐家莊娘娘廟西南隅按孝子黎鏞係黎家莊人未詳生於何年世傳貧而孝父早喪竭力事母平居寡言惟與鄉人談論孝道終日不倦及其母壽終號泣不輟水漿不入口者數日葬母之後守墓三載歸寓徐家莊廟中終日危坐不食不語忽一日吞火自焚全體立化村人以其孝德

可風釀資修祠卽其原體裝泥像之附近居民不時致祭迄今二月二日香火不替過其祠者莫不稱爲黎孝子云

酈塚 在治西二十五里酈家莊前故名塚之西北距邾城三里世傳此塚爲邾王黠將臺邾於春秋魯襄公十三年滅國後臺上庭宇漸就傾圮代遠年湮風雨摧殘遂成古塚然迄今數千年高可數仞大有畝餘登臨憑眺猶恍然見當年居高臨下之勢焉

秦塚 在治西三十五里秦鎮撫進成先德墓南塚高七八尺俗名秦塚相傳爲進成觀兵之地

劉家塚 北鄉葦園莊西里許有古塚相傳爲劉石菴未居諸城前之先人墓故名但無碑可考

按古蹟之採錄當因地以爲衡譬如通都大郡其歷世旣深其閱人尤夥其陳踪舊跡當然美不勝收至僻陋在邑名勝無多故雖一邱一壑亦必表而出之以爲點綴文物之具區區之意如是焉已爾

金石

金石一類自趙宋歐陽文忠洪文惠諸公集錄而後代有專書逮清乾嘉間講求此道者益衆諸儒之搜索網羅豈徒賞其體制摹其字跡已哉蓋將以訂史冊之譌補圖書之闕而於社會之沿習人類之進化亦可藉資考證焉民國五年內教兩部曾咨取各省金石拓本汲汲以保存古刻列爲行政範圍良有以也舊志不列金石而吾邑又鮮好古嗜奇之士搜括而珍藏之間有地中石刻猝然發現道旁古碣巋然獨存如曲堤鎮之黃山谷碑楊文安之祠堂碑土人不知愛惜甚且敲火礪角棄諸路隅不數年已

金類

宋製銅羅漢四尊 在中山圖書館
明製銅佛像六尊 在中山圖書館

石類

黃山谷碑 在縣東北曲隄鎮已殘毀
趙子昂所書建修廟學碑 在孔廟西廡下
揭傒斯碑 在城西十二里
夫子廟堂碑 在孫耿鎮通志載唐代宗大曆二年立舊志云唐

駕部郎中程浩撰記未詳廟堂來歷其年月字跡皆漫滅不可辨元末顏壓明嘉靖乙酉致仕官王欒重豎於鎮之寺中其文曰天地吾知其至廣以其無不覆載日月吾知其至明以其無不照臨江河吾知其至大以其無不容納料廣以寸管測明以尺圭航大以一葦廣不能逃其數明不能私其質大不能亡其險偉哉夫子後天地而生知天地之始先天地而歿知天地之終非日非月光之所及者遠不江不河潤之所浸者博三代禮樂吾其損益百王憲章吾其消息君臣以位父子以親家國用和鬼神以饗道不可筌其有物釋不可證於無生一以貫之我先師夫子聖人也古以帝聖者曰堯古之君明者曰禹堯之德

有時而息禹之物有時而窮我夫子之道久而彌芳遠而彌光用之而昌舍之而亡昔否於宗周今泰於皇唐不然何耀衰而裳垂珠而王者矣碑陰云興心地設意建立報本無私辛勤有力悼我父志未完早世念昔先人至歿不易蓋其子所系贊也

歐陽詢所書經幢

年月未詳見通志現由孫耿移置中山圖書館

趙子昂所書賀公神道碑

現由苟王莊移置中山圖書館

新修縣城記碑

立金天會八年見通志

創修縣衙記碑

立金天眷元年見通志

創建宣聖廟碑

立金承安三年見通志

總管張炳先德碑元至元三年見通志

鎮撫秦進成先德碑元至元三年見通志

昭勇將軍張立碑元至元二年見通志

杜溥畫像碑銘元至元二年見通志

翰林學士楊文安公祠堂碑見久已殘毀通志

翰林學士楊文郁神道碑元大德七年立久已殘毀通志

學田記碑元大德八年見通志

加封孔子制詔碑記元皇慶二年見通志

李氏先塋碑元後至元三年見通志

聞韶臺重修孔廟碑元至正三年見通志

濟陽縣志 卷一 輿地志 金石

九

文廟禮器記碑元至正三年見通志

重摹夫子廟堂碑年月未詳見通志

指南碑在孔廟之東大書指南二字蒼勁秀逸義亦雅切署曰子夏山人王文翰書明嘉靖中置見舊志今移置中山圖書

館

孔子贊碑明天啓二年見舊志

顏曾思孟贊碑明天啓二年見舊志

平定金州告成太學碑清乾隆十四年見舊志

平定準噶爾告成太學碑清乾隆二十年見舊志

恠石在縣署鞏濟樓前縣令魏禮焯有詠恠石雲中行一首見舊志

盧督辦子嘉捐修看守所記碑在看守所門口民國八年立

盧督辦子嘉德被桑梓碑在城西門裏

中山紀念碑一在中山圖書館民國十九年立
一在中山亭民國十九年立

五三國恥紀念碑在南隅首迤西
民國十九年立

按濟邑古物金類固鮮石刻亦復無多然物以精而足貴
事以罕而見珍比而誌之於以見鳳毛麟角固有應愛逾
拱璧者矣

古墓

生存華屋處零落歸山邱故有宿草未青而馬鬣崇封已
日供芻蕘之蹴踏而無人過問獨柳季之壠樵採有禁豈
非以流風所被歷久彌芳歟濟陽古多賢達每過其邱墓
輒低徊流連不能去問何以若此亦不自知也輯而志之
非獨示高山之仰亦使後人景前賢之芳躅而自勗身後
之休名云爾

平陵塚

城西三十里

按此塚或即
今之霹靂塚

玉皇塚

城西三十里上有廟

七女塚

城西南五里

濟陽縣志

卷一

輿地志

古墓

三

以上各塚時代未詳人亦荒渺難稽

金

楊弘農郡伯烈墓

城西北十五里

元

楊文安公文郁墓

城西北十五里

張憲肅侯墓

名闕

城東北三十里

張總管炳墓

城東北十里

秦鎮撫進成先德墓

城西三十五里

據通志增

張侍郎珪墓

城東北十里

明

賈方伯昭墓 城西二里

張侍御震墓 城西四十里

黃郡丞贈都御史璉墓 城西南一里

邢觀察義墓 城南三里

郭主政濂墓 城西四里

黃主政流墓 城西南一里

王郡丞東儒墓 城西北三里

王郡伯旒墓 城西三里

郭僉憲時敘墓 城東五里

江僉憲南墓 城東五里

濟陽縣志

卷一

輿地志

古墓

三

戴少參夢桂墓 城西二里

張憲副詔墓 城西南三里

高方伯時墓 城南三里

王廷尉良相墓 城西五里

清

艾大司寇元徵墓 城西南三十里孫耿鎮東

鄉賢張先生爾岐墓 城西二十里

按舊志胡氏云遺志載黃中丞臣墓在濟南十五里竊以人繫於邑而墓在濟南奎山故不與邑壠並列

漏澤園 屬壇西

義塚

一在西關外真武廟東

一在真武廟西南
以上見舊志建置志

閔提督俊烈墓

城南二十里

邢同知其諫墓

城南三里

張觀察範東墓

城西北三十五里

王太守道定墓

城南十二里

周觀察成民墓

城西北四十里

盧宣撫使永祥墓

城西南十五里

按舊志胡氏云諸名賢首邱有紀所以別於沒則已焉者也三尺之封百代之感繫焉古人如可作矣樵夫牧豎其無隕孟嘗之涕而干處士之禁也至若漏澤義塚其亦仁

濟陽縣志

卷一

輿地志

古墓

三

人君子澤及枯骨之一端乎故附志之

風俗

語云百里不同風十里不同俗風俗之良窳世道之隆替繫焉故古者輜軒有採太史有書欲圖治理莫不於此三致意焉濟邑雖僻處一隅然民務樸素習爲故常較之浮薄澆漓之邦猶易爲力有移風易俗之責者尙其所採擇歟

士好經術矜名節民務農桑負義氣婚喪相助獎善嫉惡不遺餘力猶有直道而行之遺意焉

見通志

邑俗於饋贈一端尤爲肫摯每遇嫁娶喜壽及生子生孫等事戚友例有賀儀以將其意而富者且演劇以慶農人登麥後家家

濟陽縣志

卷一

輿地志

風俗

三

蒸饅首徧饋戚黨端午以角黍分餉鄉鄰中秋則以月餅瓜梨等物饋親友餘者分賜家人且徧犒奴僕施不求報饒有古風民間錢財器物以及勞力皆可隨事通融亦良好風俗也

正月朔鷄鳴時燃燈作供禮天地神祇祖先拜尊長已乃交相拜賀戚里親友亦互通往來名曰拜年

元宵亦曰上元節張燈爲樂放花炮飲宴達夜婦女或有請紫姑以下爲戲者各種燈彩雜耍鑼鼓喧闐遊行街市自十四日起至十六日止農民以此三日有風無風占豐歉

二月二日爲春龍節打灰囤預祝豐收故農民以此日爲龍抬頭日

寒食男婦祭掃塋墓標紙錢增新土

清明戴花插柳枝於門首有尋春郊外者號曰踏青亦有架鞦韆之戲

五月五日食角黍飲蒲酒製艾虎香囊有以五色線作繩繫臂仿續命之遺

六月六日汲水造神麩士曬書女曬衣

七月望日爲中元節家家供祖先薦麻穀近水之處剪紙作燈安放水中任其漂沒名曰盂蘭會

八月十五日夜置月餅瓜果祭月宴飲

九月九日登高阜樓閣飲菊酒

濟陽縣志

卷一

輿地志

風俗

五

十月朔日復祭掃塋墓

十一月長至日官府拜賀如元旦士民亦或相慶

十二月八日啜臘粥童女悉以是日穿耳

二十三日設牲醴菓蔬祀竈名曰辭竈

除日易門神貼春聯以示更新爇爆竹以驅凶穢

冠禮爲人道之始筮賓醮子古人所重濟俗總角弱冠皆從其便三加之禮不行已久古訓湮沒良可慨哉

婚禮先以媒妁傳言次通婚書非至貧者不受財禮于歸前饋送妝奩男家行催妝禮至親迎前夕鼓樂喧闐新郎衣冠拜家廟並徧拜族衆名曰演家禮黎明備儀仗肩輿奏樂張燈往婦家

親迎行奠雁禮謝親而歸新婦入門後先於天地前交拜入洞房三日廟見拜翁姑尊長壻同婦赴女家俗曰回門歸始執婦功近來間有文明結婚者但鄉間一仍舊禮

喪禮親始死哭諸鬼神之廟邑則城隍村落則唯其所置男女被髮徒跣提榼捧楮聚哭於其所名曰送漿水歿後三日殮焚用楮帛弔賻者至倩客迎賓逢七延浮屠追薦惟詩禮之家始不禮佛事葬日置冥器題神主率遵古禮至富庶之家競尚侈靡多設棚障爲樓坊之形備極華美而親朋致祭亦多燒炙購求奇花古玩以塗飾耳目不如此則恐貽儉親之誚故家產稍薄者喪多久停不葬

祭禮士大夫有家廟藏主於中四時祭薦寒食墓祭卽享神胙於旁雖販夫販婦亦知負楮鏹以往也十月一日亦然

按舊志胡氏云管子論齊水道遒勁而急故其民粗而好勇隋志云齊郡風俗男子多務農桑崇尚學業曾鞏齊州詩序云齊固爲文學之邦然亦以朋比夸詐見於習俗此論齊俗梗概亦卽濟俗梗概也今試言其近古者士多敦厚自守無鬥訟武斷惡習田野男婦粗衣糲食無浮華豔冶之態工多椎魯不尙奇技淫巧商賈所貨皆布帛菽粟絕無纖靡綺麗之觀是其儉樸有餘也獨於送死一節競事美觀張樂結彩多陳古玩廣設賓筵至假貸破產不惜

雖云君子不以天下儉其親然獨不聞聖賢明訓曰喪與其易也寧戚曰喪致乎哀而止曰喪具稱家之有無而顧不循禮盡制何爲耶况其所竭力措辦皆無益於化者死而有知徒增怨恫仁人孝子之心安乎蓋溯本而求或造端於古人沿今所尚遂大遠於禮意何如循其分之所適宜量其力之所可至庶天下無不葬之親人子無不致之情耶故蒿菴先生著有篤終論上下篇及謹俗論其主持風俗之意旨已備載於是願邦人士其熟讀之近來地方風俗雖略有轉移而大量觀察究亦無甚懸殊諺云習俗移人賢者不免其信然哉茲將民國十八年奉內政部令

調查風俗表附志於下用備參考焉

濟陽縣風俗調查表

人民生活概況		職業		生產	
		男	女	男	女
多信何種宗教或神道	農爲多工商次之其他又次之	多以紡織針黹爲業	多賴農業生產爲生活之要素	輔助男子作業賴以生活亦有賴女紅爲生產力者	男子多崇儒女子多信佛間有迷信聖賢天門諸教或黃沙會無極道等
有無迎神賽會情事	鄉間仍有祈雨還願迎神賽會情事				
迷信事業營業者之種類	錫箔舖紙紮店以及卜筮星相巫覡等均有之				
有無械鬥及健訟之風	無				

社會習尚

有無公娼

無

戲劇歌謠是否純正

間有淫詞歌謠元宵節最盛

女子是否完全放足

女子纏足習慣自經放足處成立竭力查禁雖未一律解放然年幼婦女已逐漸自行放足

男子是否完全剪辮

完全剪除

有無賭博及吸種鴉片情事

向無種鴉片者吸烟及賭博者間有之近來當局嚴行查禁成效大著

有無苗搖或其他民族雜處

無有苗搖僅有少數回民散居各鄉鎮

男女結婚平均年齡

男子多在十五六歲娶婦女子多在十八九歲出嫁

結婚是否概用聘金

貧窮之家間有聘金家境寬裕者無之

婚嫁情形

有無多夫或多妻情事

無有多夫間有多妻情事

有無童養媳情事

童養媳間出於貧家

濟陽縣志

卷一 輿地志

風俗

三

有無招贅情事

有女無子者間有招贅情事

喪禮葬儀概要

喪禮大致悉遵古制喪具稱家之有無紼棚設障舉柩時喪主碎陶器作厲響名曰摔靈盆讀書之家每多延賓遵禮成主僧尼超度者近少

有無公墓

近來雖迭奉明令提倡公墓但積習所染仍無是項舉辦

有無火葬情事

無

是否迷信風水

迷信風水相習成風學校士子亦多破除鄉間農民仍牢不可破

備

此表係民國十八年奉令查填據縣政府檔案採錄合併登明

考

按習俗與世推移良者從之不良者於以淘汰之要在人之審慎自擇耳濟邑男耕女織人情敦樸值此革故鼎新之際猶不忘崇實黜華之思則民風丕變民德亦歸厚矣邦人君子其各省諸

物產

自科學盛行以來博物一科已佔教程中之重要位置濟邑地方百餘里高低凸凹之形勢不同寒溫燥溼之土質亦異生生不窮物類亦夥倘不分門類誌不惟不合取多用宏之要義且恐失相互之關係而滋混淆之流弊甚非所宜故將物產分類志之於下

植物

麥 有大麥小麥兩種大麥甚少普種者爲小麥其麵粉爲主要食品並可造麴製酒與醬其桿曰麥稽挺可編草辦

粟 俗名爲穀子碾去糠則爲小米可供食用穀子之種類不一
濟陽縣志 卷一 輿地志 物產 三
其先種後熟者有鉄板頭毛穀饅饅穀金苗穀大細穗穀後種先熟者有小細穗竹葉青大頭黃拔穀黃黍穀紅黍穀龍爪穀後熟勝先熟蓋受氣足也

豆 大豆有黑紅黃三種均可製豆腐榨油造醬供食用綠豆可製粉條粉皮又有長角豆扁豆芸豆蘭花豆可爲蔬品
黍稷 黍粒大於粟有黑白紅黃四色去糠爲米性黏可造糖又可釀黃酒稷粒與黍同而少黏性

玉蜀黍 俗名棒子或名包穀亦名包米有黃白紅三種

蜀黍 俗名高粱有紅黑黃白四種又有氣殺霧大鑼錘紅黑青萼矮高粱黏高粱數種均可供食用粕可爲肥料

蕎麥 花粉最多蜜源極富附近養蜂相宜惟種者甚少

芝蔴 其子可磨成香油供食用粕可爲肥料

棉花 本縣曲隄鎮一帶多有種植者將花摘下軋彈成絮用以紡績或製棉衣種子可製油粕可製肥料

落花生 俗名長生菓有大粒小粒兩種近來種大粒者甚多種小粒者漸少三八兩區多種之亦爲土產大宗其仁可榨油供食用或爲製造肥料之原料

甘藷 俗名地瓜有紅黃二種間有色白者

繅 繅之纖維可以結繩

苜蓿 多播種於鰾地爲畜物要品嫩葉可食且蜜源極富附近

濟陽縣志

卷一

輿地志

物產

三

宜於養蜂

韭 爲夏季普通蔬品種子可入藥

菘 俗名白菜有小根包頭挂打板數種第四區路家橋一帶多有種植者其他各區種者甚少

葱 爲辛芳之品供食用有春葱秋葱二種春葱二月養苗六月移植冬月賣老葱秋葱七月種植來年清明賣小葱

王瓜 俗名黃瓜有地黃瓜架黃瓜秋黃瓜三種

蒜 爲葷辛之品供食用可解瘟毒有紅白二種其副產爲蒜

苔

苔菜菠菜 本縣菠菜甚多苔菜較少

水蘿蔔胡蘿蔔及辣菜 此數種菜根與葉皆可醃食

芥 如圓錐而細無水汁不可食其種子辛香可研爲細粉曰芥末可佐食料

蕪菁 俗名蔓菁根圓如球形各球根皮具紅白二色

茄 有長圓二種漿多而形大可供蔬食

芫荽芹菜茼蒿茴香黃花菜等均爲普通蔬菜蒿苣生菜其莖葉皆可以生食又有地環洋薑山藥且皆爲根莖可以醃食

南瓜葫子及冬瓜 本縣種南瓜者最多葫子次之冬瓜又次之番椒 俗名辣椒亦名秦椒性辛辣刺激力甚大

瓜 種類甚多有西瓜梢瓜甜瓜脆瓜倭瓜絲瓜打瓜攪瓜等類

濟陽縣志

卷一

輿地志

物產

三

瓠 甘者可食苦者不可食種類甚多均可解爲瓢

桃 有五月桃及油桃秋桃等種五月桃油桃係嫁接而養成者秋桃係種實生樹未經嫁接者

梨 有青梨黃皮梨鴨兒梨等種果肉脆軟漿液甘富又有唐梨漿少而麵多

杏 有巴旦白杏水杏之別巴旦杏係嫁接者實堅皮薄其肉味甘美白杏水杏亦味甘甜

葡萄 有藏葡萄牛奶葡萄水晶葡萄分黃紫綠三色紫葡萄品味甘酸香氣又高水晶葡萄則果粒既小品味亦澁酸

棗 有大棗小棗婆棗長棗凍棗酸棗等種

果 有文官果秋果密果沙果花紅果硃砂紅等種

山查 有實查麵查兩種品味甚酸多供藥用二區迴河鎮一帶種此樹者極多

石榴 有酸甜兩種品質極適口腹

桑 有魯桑野生桑荆桑椹桑數種其葉均可飼蠶一六兩區種此樹者甚多

木 有古柏漢棗唐桑及松椿榆檜柘柳杜楊荆栎梨槐桐楸桃杏等類

花 有紫薇薔薇牡丹芍藥繡球萬年青芙蓉海棠地棠鳳仙鷄

濟陽縣志

卷一

輿地志

物產

三

冠金雀馬纓玉簪木槿荷蘭菊萱蜀葵向日葵月季迎春含笑丁香瑞香結香滿地嬌水仙

草 有吉祥貼壁爬山虎蘆葦茅茜艾蒿蓼莠葛藤薄荷馬蘭黑白丑兔絲子車前子蓖麻子之屬

菸 本草名淡巴菰近雖紙煙盛行而鄉村僻壤仍多吸此土菸縣產植物應用分類表

類別物

別

食物 葫蘆 南瓜 冬瓜 西瓜 瓠瓜 絲瓜 黃瓜 梢瓜 脆瓜 倭瓜

打瓜 攪瓜 葫子 番椒 芫荽 芹菜 茼蒿 茴香 黃花菜 蒿苳

生菜 地環 洋薑 山藥 瓠 桃 梨 杏 葡萄 棗

文官果	秋果	密果	沙果	花紅果	山查	石榴	茄	芥	蕪菁	
水蘿蔔	胡蘿蔔	辣菜	苔菜	菠菜	蒜	葱	白菜	地瓜	落花生	
蜀黍	黍	稷	蕎麥	芝蔴	綠	豆類	麥	粟	苜蓿	
香椿	韭									
衣物	棉花									
建築器具用	松	柏	棗木	桑木	椿木	榆木	柳木	杜木	楊木	紅荆
藥	用	梨木	槐木	桐木	楸木	桃木	杏木	蘆	葦	茅草
	白菊花	麥芽	桃仁	柏子仁	杏仁	薄荷	黑白丑	兔絲子	車前子	艾葉
	芙蓉果	芍藥根	蓖麻子	茴香	鷄冠花	浮麥	生薑	韭子	葫蘆把	瓜蒂
	霜桑葉	神麩	穀芽							

濟陽縣志 卷一 輿地志 物產

玩 好 紫薇 薔薇 牡丹 芍藥 繡球 萬年青 杏花 梨花 芙蓉 地棠
 桃花 鳳仙 鷄冠 馬纓 玉簪 木槿 荷花 蘭花 海棠 水仙
 菊花 葵花 月季 迎春 瑞香 丁香

按植物種類雖繁而為他縣所無我濟獨有者終不多觀
 僅就土俗見聞分類而要紀之俾知需要與供給皆有相
 互之關係而科學之研討亦有所資焉

動物

貓 捕鼠而有保護衣食玩品及防備鼠疫傳染之功
 犬 分家犬獵犬二種家犬守夜獵犬俗名細狗善跑能捕兔
 狐 皮可以為裘禦寒野墓中常有之

狸 皮亦可以爲裘秋季之毛可造筆

獾 其油可以藥螻蛄燃時能迎風不滅

黃鼬 一名鼠狼筆中之狼毫卽其尾毛燻其皮可用爲衣飾

馬牛驢騾 此四畜皆有功於力田其肉可供食用皮毛骨角俱

供器用牛乳尤爲滋養要品

猪羊 羊毛可造筆猪毛可以結繩其肉均供食用

鼠 有倉鼠田鼠二種

兔 有家兔野兔兩種家兔分黑白二色今因其皮可爲衣飾養者甚多野兔爲害於田穀其肉可供食其針毛名兔穎可造筆其矢名望月沙入藥

濟陽縣志

卷一

輿地志

物產

三

蝟 最爲瓜菓之害無一益處

蝙蝠 每翼五肢具薄膜而爲翅因其以乳育兒故不列於禽類夜出食害蚊虻等於人有益其矢名夜明沙入藥

鷄 雄雞報曉而善鬪雌雞產卵富慈育性肉與卵均富滋養料

鵝 爲雁之變種今爲家禽可以守夜產卵

鴨 卽鳧之變種亦爲家禽善游泳產卵

鶉鴒 有家野之分少年人多飼之

鶉鴒 性善鬪而肉可食

鳧 俗名野鴨子肉美可食毛温厚可絮裊袴

雁 春來秋去故爲候鳥

燕 嗜食害蟲春來秋去亦爲候鳥

雀 箱食禾穀農家之害鳥

啄木鳥 俗名鑿大木善除林木害蟲於林業頗有益
黃鶯 一名黃鸝善鳴

白玉靛顆 此二鳥皆善鳴靛顆有紅藍之別

烏鵲 烏卽烏鴉其鳴主凶人皆惡之鵲乃喜鵲聞其鳴者以爲
喜音將至

百齡畫梅 此二鳥皆善鳴人多以爲玩品

鳶 俗名老鵬好食動物之屍體

鷹 好捕食雞雛獵者畜之以捕獵物

濟陽縣志

卷一

輿地志

物產

三

鷓 俗名小鷹人多養之以捕鳥雀

鴉 俗名夜貓子晝潛暗處夜出捕食小鳥鳴聲不雅人多惡之
兔鶻 善捕擊獵者養之以捕兔

蜥蜴 俗名馬蛇棲於草間捕食蟲類

壁虎 一名守宮亦名蝎虎捕食小蟲俗傳其尿有毒

鼈 冬蟄土中夏生水內肉美可食其甲入藥

蛇 種類甚多無毒者頭小而扁口無毒齒有毒者之頭爲三角
形有毒齒通毒線其脫皮名蛇退入藥

蛙 有金線蛙兩蛙金襖子三種金線蛙能食害蟲有益農事其
肉曰天鷄肉色白而味美可食兩蛙色綠而攀樹天雨則發高

聲金襖子外觀頗醜俗名疥蛤蟆聲清可聽

魚 爲鯉魚鯽魚鱒魚鮎魚鱧魚金魚泥鰱等類

蝦蟹 均肉美可食

蝶 有鳳蝶黃蝶蛺蝶木葉蝶數種飛舞花間媒介花粉使植物之異花受精於結菓頗有益

蠶 軟體動物之一吐絲成繭抽絲製綢爲最有益於人生家蠶分春夏秋三性野蠶有樗蠶柞蠶之別

尺蠖 體長約二三寸灰色夏間居桑樹食其嫩芽桑之害蟲也天蛾 俗名鋸漏鍋好生粘蟲大爲蜜蜂之害亦害及花菓

蜂 有蜜蜂黃蜂土蜂細腰蜂數種均因預防襲捕放出尾端蟻

濟陽縣志

卷一

輿地志

物產

三

酸螫人惟蜜蜂能以釀蜜製蠟於人有益甚夥

蟻 分黑黃二種 天牛 俗名田老牛齧食樹之嫩皮與新芽幼蟲鑽穿木質內部以生活故爲害蟲

磕頭蟲 幼蟲之細潛伏地下害植物之根

班蝥 捕食生蟲有益農事可爲藥用

螢 前翅柔軟有發光器能放光

黑老婆蟲 食植物之葉害蟲也

土鼈 俗名過蚤婆可入藥

蠅 有蒼蠅麻蒼蠅綠頭蠅生於狗身者爲狗蠅均逐臭穢傳染

病菌大爲害蟲

蚊 夏生活污水中咬人而傳染瘧疾夜虎白蛉子均屬此類

虻 似蠅而大咬人畜而吸血液

蚤 無翅善躍吸人血液

蟬 所脫之皮爲蟬退入藥

蝮蟾 一名都了或名知了伏盡乃鳴又名伏了

蝗 種類甚多身長而純綠者爲之稍螞蟥剪身短米色而首綠者謂之禿螞蟥紅腰者爲油螞蟥形類禿螞蟥滿天飛翔者爲飛蝗雌蟲產卵地中十八日生子曰蝻遇水澇則變魚均爲害蟲

濟陽縣志

卷一

輿地志

物產

三

蜚蠊 俗名臭大咀觸之發臭爲廚下之害

螻蛄 善長鳴齧食禾蔬之根

螳螂 好食害蟲故爲益蟲育子於桑上爲桑螵蛸

蝻斯 卽蝻之類分三種雄者善鳴雌者有長尾產卵孵子最小者爲魚蝻子

蟋蟀 卽促織與金鐘兒均善鳴

蜻蜓 產水中自卵初出如蠶食孑了而長成好食蚊蠅等類害蟲故爲益蟲分紅蜻蜓青頭蜻蜓兩種

水馬 俗名水擔杖羣集水面捕食小蟲

孑了 俗名跟頭蟲蚊之幼小者

蜘蛛 所吐之絲爲粘質一觸空氣方爲固體每結網屋角林端

羅昆蟲而食之性殘酷同類相食因愛子甚篤故未滅種

壁錢 體扁平多在壁上吐絲織幕光白如錢以護其卵

蠍 尾刺含毒螫人最烈生於馬蘭叢中者尤毒

蜘蛛 生於溼地口邊兩足其端有鈎具極小之孔內通毒線射

毒害物夜出捕小蟲食之

蝸牛 棲於草叢樹蔭之溼地食害綠葉產水中肉可食

螺 有田螺吸螺緣桑螺三種

蚯蚓 一名地龍生土中食嫩根芽爲植物害乾可入藥

水蛭 俗名麻皮體圓而前後兩端扁平具有吸盤附著物體以

濟陽縣志

卷一

輿地志

物產

三

吸食血液不易脫下

蟻蟻 生園圃糞土中食植物根莖亦害蟲

蚜蚘 亦名蚜蝗霧生粟禾苗心食葉淨盡最爲農害

蠶蠟 卽豆蟲青色而體肥食豆淨盡

毛蟲 有黑紅兩種食木葉豆葉亦爲農害

蚜害蟲 俗名蜜蟲體小如粟綠黑赭三變色粘梁禾立枯遇大

雨則死

蠹 嗜蝕芸紉中物大爲書籍衣服之害遇香則除之

螟蛉 食害蔬菜最鉅

縣產動物應用及利害分類表

類別物

別

力田類 馬 牛 騾 驢

食用類 犬肉 馬肉 牛肉 驢肉 兔肉 鴨肉卵 鷄肉卵 羊肉 雞肉卵 鵝肉卵

鯉魚 鯽魚 鱒魚 鮎魚 鱉肉 泥鰍 蝦子 螃蟹 蛙即天鵝肉 蜂蜜

鱧魚 猪肉

衣飾類 貓皮 狗皮 獾皮 狐皮 狸皮 羊皮 鴨絨白羽 蠶絲

器用類 馬皮 牛皮 羊皮 毛 驢皮 騾皮 兔皮毫 鼬皮尾

藥品類 兔矢各壑 鼈甲 蛇退 蟬退 蜂蜜 蜂房 班蝥 土鼈 桑標 蠅 各夜明沙

地龍 即 五穀虫 蛆 白丁香 雀 矢

玩好類 狗 貓 鷹 白兔 白鼠 鷓子 兔鶻 白玉 黃鸝 黃雀

濟陽縣志 卷一 輿地志 物產 罕

藍靛類 紅靛類 百齡 家雀 鶴 鶉 鷓 鴿 金魚

益蟲類 蝙蝠 啄木鳥 蜥蜴 壁虎 蠶 蛾 蜜蜂 蟻 蜘蛛 螢

螳螂 蜻蜓 蠅 虎

害蟲類 鼠 蝟 鴉 蛇 蝶類 蛾類 尺蠖 螻蛄 蜂類 天牛

叩頭蟲 游子 黑老 婆 蟲 蠅 蚊 蚤 蚧 蟲 蝗 蜚 蠊 蠍

蚰蜒 蝸牛 水蛭 疥 蟻 蟻 蚱 蚱 蝻 蠟 毛 蟲 蚱 害 蟲 蠹 魚 螟 蛉

按動物亦有機物之一與植物同稱生物有知覺運動營養生殖之技能然何者有利何者有害何者而應用之分類表明用示顯然愛惡去取其自奪之

鑛物

鹽 本縣城裏窪澤之地多起鹹鹵一般貧民每於清晨掃積成堆以濾食鹽但粒小如粉不能成結晶體俗名曰小鹽近因有關鹽課官府禁止煮濾與私賣

火硝 火硝由鹹土濾成其功用可造火藥

按濟陽係河流沖積地層無高山峻嶺可以蘊蓄鑛物故素不以鑛著微論其他鑛產即普通應用之煤鐵亦均仰給於外雖有零星出品亦多不關重要是亦地勢之所限無容諱言也

製造物

黑棗 黑棗俗名燠棗本縣一二兩區造此棗者甚多銷售於上濟陽縣志

卷一 輿地志

物產

里

海青島等處

棉線 本縣居民多以農爲業家家婦女皆能紡線其表面雖比洋線粗糙而韌性加倍至織衣包褥套襪襖口袋等物猶多用之

粗布 粗布係用棉線或洋線織成以製衣服本縣婦女多能織之更有以此爲業者每年能出若干雖無確實統計約可足供全縣人民製衣之用

絲 本縣一二六各區養蠶繅絲者甚多光澤尙好絲亦細緻因紡車絲柁均欠改良僅銷售於本地及周村一帶惜不能出口也

綢綾 本縣織綢綾之工廠全設於六七八各區約計共有二十餘處然皆用木機未能改良所出綢綾僅可作裏子用不能作衣料未免可惜

捻綢 本縣一二六各區多用蛾繭捻線織綢質韌而色老僅銷本地作爲夏衣材料

洋襪 近來洋襪銷路最廣本縣織洋襪者僅有數家且用笨機規模均極狹小

油 本縣產芝麻花生黑豆黃豆茶豆棉花種蓖麻子甚多均製油原料也其油可以佐食可以燃燈其渣滓均可爲肥料

酒 本縣燒酒者約有三十餘家用高粱麥麩者居多近來間有濟陽縣志

卷一

輿地志

物產

三

用紅棗及小米者又有黃酒用黍米蒸之酒糠可作飼畜肥料醋爲調和蔬菜之要品用高粱與麵製之其糠亦可爲肥料

麻汁 用芝麻磨成夏季調和蔬菜之要品

麥糖 多用黍米及大麥芽製之其渣滓可飼牲畜製肥料

麩 分大麥小麥兩種碗豆小豆亦可製麩爲酒醋醱酵之母故各處於麥秋後製之

豆腐 淨取豆中之蛋白質製之爲鄉人普通之蔬品鄉人之小本營生到處皆是亦可製豆腐乾與豆腐皮

乾粉粉皮 淨取綠豆之澱粉製之間有攪高粱米者條粗不耐煮僅供當地食用不能出境至於粉皮則以銅鏟子爲模原料

與粉同

蠟燭 用牛油製成近洋燭充斥其銷路頗受影響

皮條 皮條爲農用要品本縣所產尙能敷用

陶器 磚瓦盆罐之屬皆本縣人設窯燒煉之

木器 門窗犁耙及一切桌椅櫥櫃均本縣製造亦有造大車轎車及各種小車出售者

草器 本縣第二區藥王莊一帶善編草器如茶壺筩各種小筩工細物良頗美觀耐用

條器 本縣三四兩區多有用柳條編製器具者如水斗簸籬簸箕衣箱等件獲利甚厚

濟陽縣志

卷一

輿地志

物產

三

木炭 本縣城區木炭出產可稱大宗卽以棗木或雜木密閉地窖中燃燒而成質佳者斷面有光擊之作金聲燃時無煙可供燃料並濾水使之清潔化學上又以爲還原劑爲用極廣

按製造物本手工業也自產業革命以來依手工爲生活者類多失業人民生計之困難社會秩序之紊亂良有以也縣境僻處一隅市面尙不甚奢華當局如能就本縣人民固有之技能一一養護而指導之亦未始非保持物安之一道解決民生之要圖耳